

**Okwukwo izi
ke Ebo
Polu gbaznennu
Ele Kɔrinti**
Nhne gbasiri okwukwo izi ka

Okwukwo izi Polu gbaznennu ele Kɔrinti ke ebo bụ ke Polu gbaru nga ɔgbako Chiokike ke zi nụ Kɔrinti nụ Polu zi nụ mkpa. Agwa ele zi nụ rime ɔgbako wam bnornu Polu nhne, kɔvu Polu noopio ma ya nụ be mee udno.

Nụ rime nhne mbom Polu gbaru n'okwukwo, o nookwu ɔka nhne gbasiri ɔgbako Chiokike ke zi nụ Kɔrinti, nɔokowa nụ mkpɔma nɔoso a n'önü k'agida kwnornu nụ be tujnasnarnu mkpɔma. O naarijasno ɔgbako Chiokike gbalị gweru mkpɔma be gwuya nhne be jeekesi ele Karaisi zi nụ Judiya. Nụ ipne-aznụ, Polu nɔogoru önü a lele ɔmamarna nye izi Karaisi, megidne agwa ele kwuru əhni be ɔmamarna ele izi. Be naakaa nụ Polu bụ nye izi aghalaghala.

Nhne zi n'okwukwo ka

Opanizo (1:1-11)

Polu nụ ɔgbako Chiokike zi nụ Kɔrinti (1:12---7:16)

Nkesi be nyernu ɔgbako Chiokike zi nụ Judiya (8:1---9:15)

Polu goru önü a lele nye izi (10:1---13:10)

Obekwu ikwu ipne-aznụ (13:11-14)

¹ Mawa Polu, nye izi Jizosi Karaisi lele kpa ọ

masiri Chiokike, nụ nnwọ nda aị Timoti, gbaznenu Ọgbako Karaịsi ke zị nụ Korinti nụ kpakara ele ke Chiokike zị nụ kpakara Akaya ọkwukwo.

2 Oru nụ udno ke Chiokike Nda aị nụ Nyenwe aị Jizosì Karaịsi dazinu anu.

*Polu nootunu Chiokike
mmamma*

3 Oznarni zịnu Chiokike bụ Nda Nyenwe aị Jizosì Karaịsi, Nda ke obirizi, Chiokike ke nkasi ovu,

4 nye naakasi aị ovu nụ rime kpakara awhnụwhnu aị, ma a nwernu rikne kasi ele berere zị n'awhnụwhnu ọbula ovu hite n'okasi ovu a nwehịarū n'aka Chiokike.

5 Lele kpa a snornu Karaịsi tako agida awhnụwhnu a, ọ bụ masị kpa Karaịsi naakasi aị ovu k'agida.

6 Ọ bürü nụ a zị nụ mkpa, ọ bụ ma be snuta ovu anu, znohia masị anu. Okasi aị ovu bụ nkasi ovu anu masị, okasi ovu wam noornusi ेrnu rikne neegwehịa ndidi nụ rime awhnụwhnu wam a noowhnuzu.

7 Olile anya aị nụ hne anu zị, zị chịm chịm, kwnornu nụ a maam nụ kpa anu sno aị ta awhnụwhnu anu joosno masị aị nwe nkasi ovu.

8 A pioru anu mahịa nhne dnakwasiri aị n'Esia, nhne zị ogwnu ke dnakwasiri aị kakwo aị rikne, a nwéma olile anya bùdnu.

9 A neeche nụ be joogbu aị. Koyu ka gesiri aị nụ a kwésile ọ tükwasiri ehní aị mkpomà, koyu a tükwasiri Chiokike ovu, nye neeme nye nwurru ọnwu hi n'enwu lizo.

10 O dohiaru aị n'aka ẹnwu tụ ogwnu, nqodohia aị köriri, a kwnatarụ ovu nụ hne o zị nụ o jaazi köriri nqodohia aị,

11 kpa anụ zị neekpenu aị okpukpe. Agida ele badnụ joötunu Chiokike mmamma kwnornu nụ ruwhnu ọma o jeenye aị, o jaaza okpukpe agida ele badnụ.

Połu gbanwornu mmuma a

12 Ka bụ nhne a ji naanya risi, nhne mkpoma aị naagba akebne, a wuru bùdnu zị snam, zị masị nsọ ke hi n'aka Chiokike. O búo kpa akoniche ke badnụ pioru, koyu hite n'oru ke Chiokike, a wuru bùdnu aị nụ rime ọwa, ke kakwo nụ hne anụ zị.

13 A gbála ọkwukwo nhne anụ jöogwnuli mòbu jöoghohiali, koyu nhne anụ jöoghohiali. M neele anya nụ anụ jöoghohiazu a,

14 lele kpa anụ ghohiaru aị matị, ma a kpa nganga kwnornu anụ, anụ kpa masị nganga kwnornu aị n'qbochi Nyenwe aị.

15 Ka bụ olile anya me vu nụ mkpoma nụ mbom kpa me marnụ mmuma o va, ma anụ nwehiä ngozi okpukpu lawụru.

16 M marnụ m mmuma o vakwnusi anụ kpa me neezne Masidonia nụ nga me jeehi Masidonia hiehna. Anụ znernu eyinu m aka m zne Judiya.

17 Nga me neeme ka, m mernu m a ewheke ewheke sa? M marnụ m mmuma kwnornu nhne anq-ehni m pioru, o kaa, “Owe, owe” nụ “Óza, óza”?

18 Koyu kpa Chiokike bụ nye ezi ọka, izi me znirni anụ búo izi “Owe” nụ “Óza.”

19 Kwnornu nü Jizosi Karaisi Nnwö Chiokike nye Sałasi nü Timoti nü me gbasaru n'esilawuru anu búo nye "Owe" nü "Óza." Kóvu kpakara nhne bu "Owe" hne o zi.

20 Jizosi neeji "Owe" neemezu kpakara mkwna Chiokike kweru. Hite nü rime Jizosi a naakaa, "Amim" neenye Chiokike igwugwu.

21 O bu Chiokike nye neeme aij nü anu gwuzosi rikne nü rime Karaisi, Chiokike jiri aka a hohia aij,

22 nye bnjasiri aka nyenwe nü risi aij, nye kesiri aij Enine Nso nü rime mkpoma aij neemesi nhne o bitannu aij rikne.

23 M noosukwu Chiokike nye akebne m, o magwü mkpoma m, nhne mernu me vála Korinti bu m gharu o bigbo anu.

24 A zá neeme ehnai aij lele nü o bu aij nwe anu, ele naakanu anu nhne anu jeekweru. Thunuma, aij nü anu noornuko ərnu ma ovu so anu n'ənu. Anu gwuzoru kwem n'əkwnata mkpoma anu.

2

1 Ka bu nhne me kpebiri nü mkpoma m, m jáavakwnusi anu berere mee nhne joogbu anu ighbubu.

2 O bürü me mee nhne gbu anu ighbubu, nyele jeeme ovu so m n'ənu? Okwolem nye wam me mernu nhne gbu a ighbubu.

3 Kam kpayarü, me gbannu anu əkwukwo nü mbom, o zi nga me varü, ele wam kwesiri o mee ovu so m n'ənu mee m nhne gbu m ighbubu. Kwnornu nü m maam nü anu joosno m nwudna.

4 M zi m n'awhnıwhnu k'agida kpa me ji ighbubu mkpoma nü agida anya-mini gbanu anu əkwukwo,

ọ býo ma o gbu anụ igbugbu, koyu o gesi nụ m whnýrnu m anụ n'anya k'agida.

Ogbarunu nye mmechie

⁵ O býru nụ nye ọbula mernu nhne igbugbu, o méne me kpoi, koyu nhne gburu kpakara anụ igbugbu matị, me kwú k'agida.

⁶ Awhnýwhnu nye wam taru n'aka agida ele badnu zulem.

⁷ Bikno, anụ gbarunu a, kasi a mkpoma, o zi igbugbu a nyigbu a, mee mkpoma dna mba.

⁸ Anụ mee a ma ọ mahia nụ anụ whnýrnu a n'anya n'ezi.

⁹ Ka bý nhne me kwono gbanu anụ ọkwukwo, ma m mahia m ma anụ gwuzosiri rikne, noobno nsni kpakara nhne me kannu anụ.

¹⁰ O býru nụ anụ gbarunu badnu nhne o mernu, m gbarulam masi. M gbarulam, o býru nụ o zi nhne ọbula ke zi nụ ọ gbarunu, ka bý nhne me mennu anụ nụ ruwhnu Karaísi,

¹¹ ma Ekwensu gharu o megbu aij, kwnornu nụ a magwụ kpakara aghigho a.

Mkpoma ọla mini Polu nụ Torasi

¹² Nga me vaduru Torasi o zni izi ọma Karaísi, Nyenwe aij gbamannu m ọnu-mgbo izi ọma.

¹³ Koyu nụ enine m kwé ozukwa inwe kwnornu nụ m whnýna m nnwọ nda m Taitosi, m ghasarụ m be zne Masidonia.

Omegbu hite nụ Karaísi

¹⁴ Koyu Chiokike nwe kpakara mmamma, nye mernu a snornu Karaísi tne eri omeri a. O ji aij mee

ele badnu mahia Karaisi, nhne ke nü lele ęknarna ɔma ke noozute penupe ɔbula.

¹⁵ Kwnornu nü a bü nhne ęknarna ɔma Karaisi ke neeznekwnusi Chiokike n'esilawuru ele be nooznohia nü ele noowhu owhu.

¹⁶ Nü hne ele noowhu owhu zi, a bü ęknarna enwu, hne ele be nooznohia zi, a bü ęknarna bødnu. Nyele joornuli ेrnu ka hna rikne kpa?

¹⁷ A búo ele ji izi ɔma Chiokike nqozu ahia lele agida ele berere, koyu a bü ele ezi, nookwu ezi ɔka Karaisi nü ruwhnu Chiokike lele ele Chiokike ziyaru.

3

Ele ेrnu ɔgba-njɔ-ehni ikne

¹ A naanya risi nü rime ęhni aị berere sa? A neeme lele ele berere, noopio ɔkwukwo ɔ kahia nhne a bü ke a jeenye anu, mɔbu ke hi n'aka anu?

² Anu n'iwhuru anu bü ɔkwukwo izi aị, be gbaru anu nü mkpoma aị ke ele badnu magwụ, nqogwnu masi.

³ Ka neegesi nü anu bü ɔkwukwo izi ke Karaisi ke hi n'aka aị. Be jile nki gba a n'olu rugwu, koyu be ji Enine Chiokike zi bødnu gbasị anu n'anɔ-ehni ke mkpoma.

⁴ Ka bü okne ɔtukwasi ovu aị nü Chiokike hite nü Karaisi.

⁵ O búo nü a nwernu rikne nü rime aị ke a kwesiri ɔ rnü ेrnu ka, koyu ozu ozu aị hi n'aka Chiokike ya.

⁶ Chiokike mernu aị a bürü ele zuru ozu n'ěrnu ɔgba-njɔ-ehni ikne, ɔ búo ke mkpuru ɔkwukwo, koyu

ke enine, kwnornu nü mkpuru ọkwukwo neegweya
enwu, koyu enine neenye bjudnu.

*Igwugwu ke ogba-njo-ehni
ikne*

⁷ O bụru nü ẹrnu ke enwu be gbakwasiri n'olu rugwu vuru igwugwu va, ke mernu rụmu Izireli nwéé rikne legidne Mozizi anya nü ruvhnu, o bụ n'ezi nü igwugwu a jaagawhe,

⁸ ndaa kpa igwugwu ke ẹrnu Enine jaahna?

⁹ O bụru nü ẹrnu ke noovuya enwu nwernu igwugwu, le kpa ẹrnu ke neegweya ome mma jaahna n'igwugwu karukwo.

¹⁰ N'ezi, nhne ke nwernu igwugwu nwéma igwugwu kwnornu nü nhne ke kakwo n'igwugwu whuyaru iwhne.

¹¹ O bụru nü nhne ke jaazi ige matị vu igwugwu, le kpa nhne ke jaazi ọkwnukokwu jaahna n'igwugwu karukwo.

¹² Kwnornu nü a nwernu olile anya ke nü kpa, a nwernu ọnụ rikne nookwu ọka.

¹³ A nü lele Mozizi nye jiri ikpe kpusni ruvhnu a ma ele Izireli gharu o whnụ okwukwo ogbu marna marna ke naagawhe agawhe.

¹⁴ Mkpoma be zi kɔriri n'ochichiri, tem dù tna. Ikpe wam be jiri kpusni zi kɔriri nga be nɔogwnu ogba-njo-ehni ɔknani. Be kpumene ikpe wam, Karaishi kpoi nwernu rikne o kpume a.

¹⁵ Dù tna, ige ọbula be nɔogwnu Iwu Mozizi, ikpe wam nookpusni mkpoma be.

¹⁶ Koyu ige ọbula nye ọbula znekwnusiri Nyenwe aị, be jeegweme ikpe wam.

17 Nyenwe aị bụ Enine, hne ọbula Enine Nyenwe aị zị, badnụ jeenwernu ehni a.

18 Koyu kpakara aị, ji ruwhnu be jíle ikpe kpusni neele igwugwu ke Nyenwe aị lele nhne a nọowhnu nụ nyno, a naagbanwo hite n'otu igwugwu bna n'igwugwu berere. Enine Nyenwe aị neeme nhne ka.

4

Ekwnu ke zị nụ rime ite rịzna

1 Kam kpayarụ, hne Chiokike nyernu aị ẹrnu ka hite n'obirizi a, a jéekwe inwe gwụ aị.

2 Tnụnuma, a sigbasiri kpakara nhne ke tugwaru otugwa ke tụ iwhnerne. A zá nqogho aghigho mọbu mee ikwu-ọnụ Chiokike aghalaghala. A gwuzo nụ ruwhnu Chiokike nookwu ezi ọka, neegesi ele badnụ nụ a bụ ele ezi ọka.

3 O bụru nụ be tugwaru izi ọma a nqokpo okwo a otugwa, ọ bụ n'anya ele noowhu owhu.

4 Chi ke ọwa ka mernu mkpoma ele ke kwé ekwe gba ọchichiri. O mernu be whnýna iwhne ke izi ọma nqomukwasi be, bụ izi ọma igwugwu Karaịsi, nye bụ oyiyi ke Chiokike n'ezi.

5 Kwnornu nụ a zá nqokponu ehni aị okwo, koyu a nqokpo okwo Jizosị Karaịsi bụ Nyenwe aị, aị n'iwhuru aị bụ ele izi anụ kwnornu Karaịsi.

6 Chiokike wam ke karụ, "Iwhne mụ n'ochichiri," bụ otu Chiokike wam ke mernu iwhne a mukwasi nụ mkpoma aị, ma a mọhia igwugwu Chiokike ke a nqowhnu nụ ruwhnu Karaịsi.

7 A nwernu ekwnu ka nü rime ite rịzna, ke neegesi nü rikne ke kakwo rikne hi nü Chiokike, ọ búo nü rime aị.

8 Be naakpakna aị ehni n'apna ọbula, koyu inwe zá nqogwu aị, a neenwe mkpoma lawụru, koyu inwe zá nqogwu aị.

9 Ele irno naakpakna aị ehni, koyu Chiokike ghásala aị etekne. Be mekasi aị ehni, koyu a nwúna.

10 A vu n'ehni aị ẹnwu Jizosi ige ọbula, ma bùdnu Jizosi whuya iwhne nü rime aị.

11 Aj ele zì bùdnu zì n'ọnụ ẹnwu ige ọbula kwnornu Jizosi, ma bùdnu a whuya iwhne n'anó-ehni aị ke nqonwu ọnwu.

12 Kam kpayarụ, ẹnwu nqornu ेrnu nü rime aị, koyu bùdnu zì nü rime anụ.

13 Be gbarụ n'ókwukwo nsọ, kaa, “M kwuru m ọka kwnornu nü m kweru m.” A ji otu enine ọkwnata ovu wam kwu ọka kwnornu nü a kweru ekwe.

14 A magwụ nü Chiokike wam ke mernu Jizosi hi n'ènwu lizo, jeeme a snornu Jizosi hi n'ènwu lizo masị, mee aị nü anụ gwuzoru nü ruvhnu a.

15 Kpakara nhne ka bụ kwnornu anụ, ma oru ke naabanụ anụ ọba dñu agida ele badnụ, ma be tñu Chiokike mmamma k'agida, neenye a igwugwu.

16 Kam kpayarụ, inwe zá nqogwu aị, ọ bụ n'ezi nü a naata ehni n'anó-ehni aị, koyu badnụ ke enine aị zì ikne ikne hite n'oboichi dù n'oboichi.

17 Awhnụwhnu matị ka a naata neegweyanụ aị okne igwugwu ke zì ọkwukokwnu ke kakwo kpakara awhnụwhnu.

18 A zá neele anya nhne a nqowhnu anya, koyu nhne a whnụ anya. Kwnornu nü nhne a nqowhnu

anya zi ige mati, kovu nhne a za noowhnu anya zi okwnukokwnu.

5

Oro aij n'oligwe

¹ A magwụ nü o bụru nü oro-eka ke owa ka, ke bu ehni aij dnarnu, Chiokike wunnu aij oro berere n'oligwe ke jaadazigidne, ke be jile aka badnụ wu, ke jaazi tim tom.

² Kam kpayarụ, a nōosnu idne k'agida, o nōogwu aij ma a wuru nü rime oro aij ke zi n'oligwe,

³ ma a woru a lele iwo, a jōobu ele gba eto.

⁴ Hne a zi kɔriri n'anq-ehni ka, a zi nōosnu idne nü rime awhnuywhnu, o bùo nü a pioru o whoga n'anq-ehni ka, kovu ma be wosi aij anq-ehni ke oligwe, ma Chiokike gbanwo anq-ehni aij ke nōonwu ɔnwu nü anq-ehni ke zi okwnukokwnu.

⁵ Chiokike n'iwhuru a kpuru aij ma a jiknernu o gbanwo ka, o nyernu aij Enine a ma o bụru nhne neemesi kpakara nhne jaava rikne.

⁶ Kam kpayarụ, mkpoma siri aij rikne ige ɔbula. A mahiaru nü nga a zi n'oro aij n'anq-ehni, a zila hne Chiokike zi.

⁷ Kwnornu nü a noowu bñdnu hite n'okwnata mkpoma, o bùo nü nhne anya noowhnu.

⁸ Mkpoma siri aij rikne, o jaamasị aij a whoga n'anq-ehni ka, wuru hne Nyenwe aij zi.

⁹ Ke kakwo, a pioru o mee nhne jaamasị Chiokike, ma a wu hne Nyenwe aij zi, mɔbu a zi n'owa ka.

¹⁰ Kwnornu nü kpakara aij joogwuzo nü ruwhnu ngadna ikpe Karaisi, ma nye ɔbula nahoru ɔgwo

ernu kpakara nhne a rnurnu nga a zi bñdnu, mõbu nhne òma mõbu nhne bùo òma.

*Badnù nü Chiokike
ziri n'udno*

¹¹ Hne a mahiaru o tu ogwnu Chiokike, a naariasno ele badnù be vakwnusi Chiokike. Chiokike mazuru aï, m neele anya nü anu mazuru aï masi n'echiche anu.

¹² A zá naaja ehni aï n'anya anu berere, kovu a neenye anu oghere ma anu gweru aï nyaa risi, ma anu mahia nhne anu jaasa ele ji nhne be nqowhnu nü ruwhnu badnù naanya risi kakwo nhne zi nü mkpoma badnù.

¹³ Anu neeche nü a bu ele era naagba? O bu kwnornu Chiokike. Kovu o bñru nü a bu ele anya dnornu, o bu kwnornu anu.

¹⁴ Qwhnun'anya Karaïsi neeme a mee kpa a neeme. A magwù nü otu badnù nwñhianu kpakara badnù ènwu, ka gesiri nü kpakara badnù snornu a n'ènwu.

¹⁵ O nwñhianu kpakara badnù ènwu, ma ele zi bñdnu gharu o wunu ehni be bñdnu, kovu wunu Nyenwe aï nye nwñhianu be ènwu, ke hiri n'ènwu lizo masi.

¹⁶ A zá neele badnù anya nü ruwhnu lele kpa ele berere neele, o bu n'ezi nü o bu kpa a leru Karaïsi nü mbom. Kovu a zá neeme kpam kitna.

¹⁷ O bñru nü nye obula zi nü rime Karaïsi, o bu nye be kpughariri ikne, nhne òknani whelem, be ghølam nhne ikne.

¹⁸ Kpakara nhne ka hi n'aka Chiokike va, nye hiteru nü Karaïsi mee ma aï nü ya ziri n'udno, nyee masi aï ernu ma a mee ya nü ele badnù ziri n'udno.

¹⁹ Chiokike hiteru nü Karaïsi neeme ma ya nü kpakara ele badnụ ziri n'udno. Chiokike zá noogwnu mmehie be megidne be. O nyernu aị ἐρνυ a mee ya nü ele badnụ ziri n'udno.

²⁰ A bụ ele naadnasni anya Karaïsi, Chiokike zi nü rime aị naariasno. A ji Karaïsi naariasno anụ, anụ mee ma anụ nü Chiokike ziri n'udno.

²¹ Karaïsi méne mmehie, kọvu Chiokike mernu a o bụru mmehie kwnornu aị, ma a hite nü rime a kehià igwe nü ome mma ke Chiokike.

6

¹ Lele ele be nü Chiokike sno noornu ἐρνυ, a naariasno anụ kwé oru Chiokike anụ nahiaru bụru nhne etekne.

² Ka bụ nhne Chiokike kwuru,
“M nurnu m anụ n'ige o gesi anụ ruwhnu ọma,
m yinu m anụ aka n'obochi ọznohia.”

Anụ bno nsnị, kitna bụ ige o nahoru ruwhnu ọma Chiokike, kitna bụ obochi ọznohia.

³ A píole badnụ ọbula piohịa nhne ojo n'ernu aị, kpayarụ a kwéle o bita nhne jọkpobi badnụ ochi n'ogodo apna.

⁴ Kọvu nü kpakara nhne a neeme, a neegesi ehní aị lele ele ἐρνυ Chiokike hite n'osnuta mkpoma nü rime awhnụwhnu, nü nhne siri rikne, nü nhne ighbugbu,

⁵ ma ọli nhne, ma nü oro ikelu, nü mkpakpọ, nü ἐρνυ rikne, ma nü ọka anyarna abalị, ma nü ọgwnu wiri,

⁶ ma nü ọzi ríchna, ma nü nhne omuma, nü ndidi, ma nü ovu ọma, hite n'Enine Nsọ, n'ezi ọka ọwhnun'anya,

7 hite n'okwu ezi ọka nü rikne Chiokike, ya nü mgwna ogwnu ke ome mma nü akarikwnunga ma nü akarita.

8 A nwernu ọson'anya agwna ige, agwna ige be ledna aị anya, agwna ige ele badnụ kpari aị, agwna ige be znarnị aị. Be neeme aị ele aghalaghala, kovu a bụ ele kwu ezi ọka.

9 A bụ ele be máa, kovu kpakara ele badnụ magwụ aị. A nü lele ele nqowu ọnwu, kovu a zị kɔriri bjudnu, awhnụwhnu a naata nwée rikne gbu aị.

10 A bụ ele mkpoma só n'ọnụ, kovu a nwernu snarnima, ele mboni, kovu neeme ele berere ele eze. Ọ zá nhne a nwernu, kovu kpakara nhne bụ ke aị.

11 Anụ ele Korinti, a kpumernu mkpoma aị kwunu anụ ezi ọka.

12 Anụ kpusnirni mkpoma anụ megidne aị, ọ bùo aị megidne anụ.

13 Anụ menu aị kpa a mennu anụ, m nookwu lele nü anụ bụ rụmu m, anụ kpume mkpoma anụ.

*Odo aka nü nsni
gbasiri ele kwé ekwe*

14 Anụ nü ele kwé ekwe knékota ehni anụ n'otu. Kini bụ nhne ome mma nü aruru-eli nwekɔru? Ndaa ozi n'otu ke iwhne n'ochichiri nwekɔru?

15 Mòbu ndaa nhne Karaisi nü Ekwensu neekekọ? Kini bụ nhne nye Karaisi nü nye kwé ekwe nwekɔru n'otu?

16 Ndaa okwerikota ke Oro Nsø Chiokike nü renwu nwernu? Kwnornu nu a bụ Oro Nsø Chiokike ke zị bjudnu, lele kpa Chiokike kwuru, “M joosno be wuru, zne izne n'esilawụru be.

M jøbu Chiokike be,

be jøobu ele ke m.”

- ¹⁷ Kam kpayarụ, “Anụ hi nụ rime be whuya, ziri ichne,
anụ kpátụ nhne zíla ríchna aka,
m jaanabnanya anụ,” ka bù nhne Nyenwe aị kwuru.
- ¹⁸ “M jøoburu Nda anụ,
anụ jøoburu rúmu m rukna nụ rúmu m rinya.
Ka bù nhne Nyenwe aị ke Meli Nhne Dum kwuru.”

7

¹ Ele me whnurnu n'anya, hne a nwernu kpakara mkwna ka, a mee ẹhni aị ma a ziri ríchna ma n'anọ-ehni ma nụ rime enine, whoga nụ kpakara nhne ke neemeru emeru, ma a ziri nsọ kpam kpam noowu bùdnu ke nötü ogwnu Chiokike.

Ovu ọso n'ọnụ Polu

² Anụ gweru aị kwnornu nụ ọ zá badnụ ọbula a mejoru, mọbu lulu, mọbu megbu n'apna ọbula.

³ Nhne me kwno nookwu ka búo ma ikpe ma anụ, lele kpa me kwuru nụ mbom, anụ zì aị mkpa nụ mkpومa, ma a snornu anụ ziri bùdnu mọbu a snornu anụ nwụ ẹnwu.

⁴ M tükwasiri m anụ mkpومa k'agida, m ji m anụ noolu ọnụ. Anụ mernu mkpومa neesi m rikne, mkpومa noso m n'ọnụ nụ rime awhnụwhnu.

⁵ Nga a vaduru Masidonia, a nwée ozukwa inwe n'anọ-ehni, be kpagnarnụ aị ẹhni n'apna ọbula, ogwnu n'ederezi, ogwnu nụ mkpومa.

⁶ Kọvu Chiokike ke naakasi ele inwe gwuru mkpومa kasiri aị mkpومa nga Taịtosi varu.

7 O búo kwnornu nü Taītosi varü kpöi, kovu nkasi mkpöma anü nyernu a. O kannü aï nhne gbasiri obirizi anü, nü nhne igbugbu nü nhne gbasiri m metüru anü nü mkpöma. Ka mernu mkpöma sō m n'önü k'agida.

8 O bürubedi nü ɔkwukwo izi me gbarü vuteru anü nhne igbugbu, m nwée m mkpöma lawüru nü me gbarü a. Nü mbom, o mernu m mkpöma lawüru, nga me whnūrnü nü ɔkwukwo me gbarü vuteru anü nhne igbugbu ige mati.

9 Kitna, mkpöma nooso m n'önü, o búo nü m vuteru anü nhne igbugbu, kovu kwnornu nü nhne igbugbu anü mernu anü tūhnasna mkpöma. Chiokike jiri nhne igbugbu anü rnü ेrnu, ka neegesi nü o zá nhne ojo a mernu anü.

10 Kwnornu nü nhne igbugbu ke Chiokike noodubna badnu o tūhnasna mkpöma dū օznohia, ka nwée mkpöma lawüru. Kovu nhne igbugbu ke օwa noodubna n'énwu.

11 Anü le kpa nhne igbugbu ke Chiokike kpahiaru anü jiknernu o goru önü anü. Nhne ka kpahiaru ovu owe េhni, o ji anü anya, o neerne anü lele békwnu, o metüru anü nü mkpöma, anü jiknernu o ta nye mmehie awhnūwhnu. Anü gesiri េhni anü lele ele ikpe mána.

12 O bu n'ezi nü me gbarü օkwukwo izi wam, o búo kwnornu nye mernu nhne ojo mōbu nye o mejoru. Kovu m gbarü m ma anü mahia nü ruwhnu Chiokike kpa anü noobnonu aï nsni.

13 Ka mernu mkpöma si aï rikne.

O búo nü mkpöma siri aï rikne kpöi, Taītosi mernu mkpöma sō aï n'önü, kpa anü mernu a o nwüdnu nga o vakwnusiri anü.

14 M ji m anụ noolu ọnu nụ ruwhnu a. Anụ kpásila m iwhnerne. A nookwunu anụ ezi ọka ige ọbula, kpam masi, a jiri Taitosi luu ọnu nụ ruwhnu anụ, anụ whnurnu nụ o bụ ezi ọka.

15 Ka mernu ọwhnun'anya o nwernu hne anụ zị si rikne, nga o neechenwanya anụ noobno nsni, kpa anụ jiri ogwnu nụ ọznu biri biri nabnanya a.

16 Mkpoma nqoso m n'ọnu nụ m nwernu rikne tukwasi anụ m kpoma.

8

Nkesi ke nye Karaisi

1 Rụmu nda m, a pioru ma anụ mahịa nhne Chiokike jiri oru a rnụ n'ögabako Chiokike ke zị nụ Masidonia.

2 O bụ n'ezi nụ be gawheru agida ọkpagbu, koyu okne m kpoma ọso n'ọnu mernu be gweya agida nkesi, o bụ n'ezi nụ be bụ ele ọwa nyirni.

3 M naagbanụ be akebne nụ be nyernu kpa be nwernu rikne, n'ezi, kakwo kpa be nwernu rikne, hite nụ m kpoma be.

4 Be riasnosi aị rikne ma be nwernu oghere yisi aka be n'oynu ele Chiokike ke zị nụ Judiya aka.

5 Be mernu nhne a túla anya a, be beru osno gweru ehni be nyega Nyenwe aị, nyee kwno aị hite n'echiche Chiokike.

6 Kam kpayaru, a riasno Taitosi nye panizoru ेrnua ka, rnurnu a zne nụ ruwhnu mee anụ rnuzu ेrnua ọwhnun'anya ka.

7 Anụ nwernu kpakara nhne, ọkwnata ovu, nụ ikwu-Ọnu, nụ nhne Ọmuma, nụ ezi ọka zuru ozu nụ ọwhnun'anya anụ nwernu hne a zị. Anụ bürü masi ele zuru ozu nụ oru ke nkesi.

8 M zá m neenye anú iwu. Kóvu m kannú m anú kpa ele berere nwernu mkpóma o kesi be nhne, ma m mahia m ezi oka ke ɔwhnun'anya anú hite nü nhne anú jeenye be.

9 Anú magwú oru ke Nyenwe aị Jizosi Karaisi, ọ bụ n'ezi nü ọ bụ nye eze, kóvu o mernu ehni a wòmboni kwnornu anú, ma o mee anú bürü eле eze hite n'odna mboni a.

10 Ka bụ ezni me neezni anú, ọ jọoburu ọma ọ bürü nü anú rnúzne ẹrnu anú panízoru otu awha wheru ewhe. Anú bụ ele mbom panízoru ẹrnu wam, ma ele mbom jiknernu ọ rnú a.

11 Anú zne nü ruvhnu nōornu a, rnúkwo a masi. Anú ziri gnarnagnarna nü ọ rnúkwo ẹrnu wam hite nü nhne anú nwernu, lele kpa ọ zì nga anú marnu mmúma a.

12 Ọ bürü nü anú nwernu mkpóma nkesi, Chiokike jaanarnu nkesi anú hite nü nhne anú nwernu, ọ búo hite nü nhne anú nwéé.

13 A zá nookwu ma ele berere nwedna inwe ozukwa inwe, anú bürü ele zì nü mkpa, kóvu ma nye ọbula hnata n'otu.

14 Kitna, agida nhne anú nwernu anú jeenye be nü mkpa be. Ige berere, be jeenwe nhne be jeenye anú nü mkpa anú, ma nye ọbula hnata n'otu.

15 Lele kpa be gbaru a n'okwukwo nsø,
“Nye chikataru agida nwéé kakwo
nye wam ke chikataru mati, ke ọ chikataru
zunnu a.”

16 M nootunu Chiokike mmamma nye yisiri nü mkpoma Taịtosi, nhne gbasiri anụ lele kpa ọ zị nü mkpoma m.

17 O kweruru, ọ búo kwnornu nü a kannu a, kovu o jiknernu hite nü mkpoma a ọ va.

18 A neeziya ya nü otu nnwọ nda ke nwernu igwugwu nü kpakara ọgbako Chiokike n'ọkpo okwo izi ọma.

19 Tükwası nü ka, ọgbako Chiokike hohiaru a ma o snornu aị vuru nkesi ka zne Judiya. Ernu ka neenye Nyenwe aị igwugwu, neegesi nü a nwernu mkpoma o yisi aka n'érnu ka.

20 A neeze ehnı aị ọ zị badnụ ọbula ma aị ikpe kpa a neeke agida nkesi.

21 A naagbalı o mee nhne kwesiri ekwesi, ọ búo n'anya Chiokike kpoi, kovu ma n'anya ele badnụ.

22 A neeziya otu nnwọ nda berere yisinu be, bụ nye a kparu iru agida ige, whnụ nü a nwernu rikne kwnata a mkpoma. Nü olu ka, kịtna, o jiknernu o yinu anụ aka, ke kakwo kpa ọ tükwasiri anụ mkpoma.

23 Nhne gbasiri Taịtosi, ọ bụ nye me nü a noornu ेrnü, neenyinu anụ aka. Rụmu nda ele ya nü be sno bụ ele dnasni anya ọgbako Chiokike, be bụ igwugwu Karaısı.

24 Anụ gesi be ọwhnun'anya anụ ma kpakara ọgbako Chiokike whnụ nhne kpayarụ a jiri anụ luu ọnụ n'ezi.

¹ O zá mkpa nü me jaagbanü anü ọkwukwo gbasiri o yinu ele Chiokike ele zi nü Judiya aka.

² M maam nü anü jiknernu o yinu be aka, m ji m anü lunu ele zi nü Masidonia Ọnu. M kanụ m be nü rụmu nda aị ele zi nü Akaya jiknernu o yi aka hite n'awha ke wheru ewhe. Nga be nurnu nü anü jiknernu o kesi nhne, mkpoma be kwnalizoru o mee kpam.

³ Koyu m neeziya rụmu nda ka, ma Ọnu a jiri anü luu gharu ọ bụ nhne etekne. Lele kpa me kwuru, anü bítä nhne nkesi anü,

⁴ o zi ele Masidonia snornu m va whnụ nü anü jíknernune, o joobunu aị nhne iwhnerne, ke kakwo iwhnerne joottu anü k'agida.

⁵ Kam kpayarụ, me riásno rụmu nda ele ka be beru ọsno va, ma be whnụ anü jaabita nkesi anü kweru mkwna sụ me va. Ka jeegesi nü anü nyernu hite nü mkpoma anü, ọ búo nü be kwnagidnernu anü.

⁶ Anü chenwanya nü nye kpasiri mkpuru matị joogohobia mkpuru matị, nye wam ke kpasiri agida mkpuru joogohobia agida mkpuru.

⁷ Nye ọbula nyee lele kpa o kpebiri nü mkpoma a, ọ búo nü mkpoma lawuru kwnornu nü be karu be nyee. Chiokike whnụrnu nye wam jiri mkpoma Ọma a nyee n'anya.

⁸ Chiokike nwernu rikne o nyee anü karukwo kpa o zi anü mkpa, ma anü nwernu nhne kpakara ige, nü karukwo kpa anü jeeji o mee nhne bürü Ọma.

⁹ Lele kpa be gbaru a n'ọkwukwo nsọ, kaa,
“O neenyelere mboni k'agida,
ome mma a jaazi ọkwukwo.”

10 Chiokike, nye neenyne nye ərnu ékwu mkpuru ɔkpukpa nü wiri ele badnụ jeeri, jeeme kpakara mkpuru anụ so oso, mịnya agıda mkpuru hite nü nkesi anụ nyernu hite nü mkpoma ọma anụ.

11 O jeeme anụ ba agıda nü kpakara nhne, ma anụ bürü ele jeekesi ele badnụ nhne ige ọbula, ke jeeme ele badnụ tñu Chiokike mmamma kwnornu anụ.

12 Ernu ọma ka anụ nɔornu zá neeme ele Chiokike riji rụwho kpɔi, kɔvu o neeme ele badnụ nɔotunu Chiokike mmamma k'agıda.

13 Lele kpa ərnu ọma ka neegesi nü anụ bụ ele ezi ọka, ele badnụ jaaznarnị Chiokike kwnornu nü anụ noobno nsnị izi ọma Karaịsi ke anụ kwuhịarу, anụ neeji mkpoma ọma neekesi be nü ele berere nhne.

14 Be jeeji mkpoma ọwhnun'anya be kpenu anụ okpukpe kwnornu oru Chiokike ke zi agıda hne anụ zi.

15 Ngwa ma a tñu Chiokike mmamma kwnornu nkesi a ke ọnu jókowali.

10

Polu goru Ọnu ərnu a

1 Mawa Polu, naarijasno anụ, me nye be karụ nü m bụ m nye mési rikne nga me zi nü ruwhnu anụ, kɔvu nye nwernu anya rikne hne anụ zìla. M ji m ɔzi wohnernerne nü mkpoma Ọma Karaịsi, naarijasno anụ, anụ bikno,

2 anụ mée m, m bürü nye anya rikne hne anụ zi nga me varụ, kwnornu nü m nwernu m rikne nwe anya rikne n'ehni ele nookwu nü a noowu bùdnu lele kpa ele ọwa noowu.

3 O bụ n'ezi nụ a zị n'ọwa, kovenant a zá nqolu ọgwnu lele kpa ele ọwa nqolu.

4 Kwnornu nụ mgwna ọgwnu aị búa ke badnụ, kovenant ọ zị rikne nụ Chiokike ke naakwnadna hne be wusiri rikne. A naakwnadna kpakara agirigo

5 nụ kpakara nhne ke noovulizọ ehni a olu megidne ọmahia Chiokike, a nqodoru kpakara echiche n'ogwnu mee be bnonu Karaishi nsni.

6 Nga anụ għorū ele bnozuru nsni, a jeejikneru ọ ta kpakara nye qbula ke zá noobno nsni awhnūwhnu.

7 Anụ neele kpakara nhne anya n'olu kpɔi. Ọ zị nye qbula n'esilawuru anụ ke neeche nụ ọ bụ nye Karaishi? Nye wam che kwno echiche, kwnornu nụ a bụ ele Karaishi lele nye wam.

8 O bürübedi nụ me gweru rikne Nyenwe aị nyernu aị mee oknomokno k'agħida, iwhnerne jótum. Nyenwe aị nyernu aị rikne o wulizọ anụ olu lele ɔro, o búa rikne ọ kwnadna anụ akwnadna.

9 M piole m o ji ɔkwukwo izi me gbannu anụ kpasi anụ ọgwnu.

10 Ottu badnụ jaakaa, “Okwukwo Polu naagba siri rikne, nqotu ọgwnu, kovenant, nga aị nụ a ziri, o nwée rikne, ikwu-qnun a bụ nhne etekne.”

11 Nye wam mahia nụ ọ zá nhne zị ichne nụ nhne a gbaru n'okwukwo nga a zị ikere nụ nhne a jeeme nga aị nụ anụ zị.

12 Kwnornu nụ a zá nqogwnu ehni aị n'esilawuru ele ji ehni be nqotu nhne zị olu k'agħida. Ele ji ehni be nqotunu n'ehni be, neekpe ehni be ikpe n'iwu ke be nyernu, bụ ele nwée akoniche.

13 Kovenant nụ oknomokno aị zá neewhe hne a nwernu rikne, oknomokno aị bụ n'erlu Chiokike

nyernu aị, bụ ke dudu nụ hne anụ zi.

¹⁴ Hne ọ bụ nụ ertext{ernu aị zi n'esilawuru anụ, a gáwhele a. A vuru izi ọma Karaishi vakwnusi anụ.}

¹⁵ A zá neeji ertext{ernu ele berere rnurru naanya risi. Ernu kam wheru hne Chiokike nyernu. Kóvu a neele anya nụ ọkwnata mkpoma anụ jooso oso, ma a nwe rikne rnụ agida ertext{ernu n'esilawuru anụ dù hne Chiokike nyernu aị.}}

¹⁶ Nga wam, a jeenwe rikne kpọ okwo izi ọma nụ mba berere whe anụ. Kóvu a jéeji ertext{ernu ele berere rnurru nyaa risi.}

¹⁷ Lele kpa ọkwukwo nsọ kwuru, “Nye ọbula ke jeeme oknomokno, o mee oknomokno nụ nhne Nyenwe aị rnurru.”

¹⁸ Kwnornu nụ nye naaja ertext{ehni a mma bụ nhne etekne, kóvu nye wam Nyenwe aị naaja mma bụ nhne.}

11

Polu nụ ele izi aghlaghala

¹ O jaamasị m ọ bürü nụ anụ jeenwe rikne nagidne iwhnirniwhno m, bikno, anụ gweru m.

² Mkpoma m zi nụ hne anụ zi lele Chiokike, anụ nụ lele nyerinya máa nyerukna zi snam me kweru ọ niṣi otu badnụ, ke bụ Karaishi.

³ Kóvu ogwnu nqotu m nụ be joolulu mkpoma anụ, lele kpa agwọ wam jiri aghigho rnawhu Iwu, mee anụ gharu o gweru kpakara mkpoma anụ kpenu Karaishi.

⁴ Kwnornu nụ anụ jiri ertext{eso nahoru nye wam ke znirni anụ Jizosi berere búo Jizosi ke a znirni anụ,}

nü enine berere nü izi ọma berere ke búo ke a znirni anu.

⁵ Kóvu ọ búo nü m zị m matị kakwo ele izi ka anu kaa nü be ka m mma.

⁶ Nyele ma, m máam kpa be kwu ọka sọ n'önü, kóvu m magwụ m nhne, a mernu ka whuya iwhne hne anu zị ige ọbula ma nü ọnodi ọbula.

⁷ M nágé m anu nhne ọbula nga me znirni anu izi ọma Chiokike, m gwednarnu m ehni m eli ma anu bürü ele be gwelizoru olu. Kí ọ bụ nhne ojo me mernu sa?

⁸ M nahiaru m ogbako Chiokike berere nhne me jiri noornu ेrnu n'esilawuru anu.

⁹ Ige me nü anu zị, m kpáknage m anu ehni nü iwai nga me zị nü mkpa, rụmu nda ele hi nü Masidonia va gweyarụ kpakara nhne zị m mkpa. Lele kpa me neeme, m jójobu ivu nyee anu tna mọbu ekile.

¹⁰ Hite n'ezi ọka Karaịsi ke zị nü rime m, ọ zá badnụ ọbula ke zị n'Akaya jeenwe rikne kpusni önü m, kpa me naanya risi.

¹¹ Ndaa nhne me jiri kwu kpa? Me whnúge anu n'anya sa? Chiokike magwụ nü m whnurnu m anu n'anya.

¹² M jaazi köriri neeme kpa me neeme, ma ele izi ka gharu o nwe oghere be noopio gweru luu önü, kaa nü be nü aị neeme otu nhne.

¹³ Be bụ ele izi aghalaghala, be búo ezi, be ji ेrnu be naagha ọgha, ma be nü lele ele izi Karaịsi n'ezi.

¹⁴ O jí anu anya, Setani n'iwhuru a gbanwornu ehni a lele enine izi ke iwhne.

¹⁵ O búo okne nhne ọ bürü nü ele ेrnu a gbanwornu ehni be ma be nü lele ele ेrnu ome mma. Be jeeji aka ेrnu be kwụ be ọgwo ेrnu.

*Awhnụwhnu Pọlu lele
nye izi Karaisi*

16 M nookwu kwno a berere, o zá nye kwu m nye iwhnirniwhno. O bụru nụ o bụ nhne me bụ, anụ gweru m kpam, ma m gweru m nhne matị luu ọnụ.

17 Nhne me nookwu kitna bùo nhne Nyenwe aị pioru me kwu, ke gbasiri olu ọnụ ka, m nookwu lele nye iwhnirniwhno.

18 Agida ele badnụ noolu ọnụ lele kpa ele badnụ noolu, m jeeme kpam.

19 Anụ bụ ele jí ovu oso n'ọnụ nagidne ele iwhnirniwhno, o bụ n'ezi nụ anụ bụ ele nwernu akoniche.

20 Anụ nagidnernu ele mernu anụ lele ọhi, nahoru anụ nhne, kwnaghari anụ, gwuzote ehni a, gbo anụ aka nụ ntí.

21 Ka nqotu m iwhnerne nụ a nwée rikne mee anụ kpam.

Kqvụ o bụru nụ nye ọbulu luu ọnụ nhne ọbulu, m jeeme masi kpam. M nookwu lele nye iwhnirniwhno.

22 Be bụ ele Hiburu? M bụ m masi. Be bụ ele Izireli? M bụ m masi. Be bụ ele hi n'avnurnu Ebereham? M bụ m masi.

23 Be bụ ele ẹrnu Karaisi? Era naagba m sa? M bụ m nye ẹrnu Karaisi kakwo be. M noornu ẹrnu kakwo be. M lala m ikelu agida ige kakwo be, be pniarnu m nhne k'agida kakwo be, agida ige o gwnarnu matị m nwụ.

24 Mgba isne ele Ju pniarnu m nri ẹto nụ tolu ọnụ mbinibini.

25 Ele Rom liri m isisi mgba ẹto, be tñru m aka-worugwu otu mgba, ọgbo me zi nụ rime a kpuru

mgbɑ ẹto, m daziri m nụ rime mini iwhnehnie nụ abalị.

²⁶ Kpa me neezne izne ige ọbula, m neeze bùdnu nụ rime mini, ma n'aka ele buznu, m neeze bùdnu n'aka ele Ju ma n'aka ele bùo ele Ju. Nhne oze bùdnu nụ rime ẹli-ohna, ma nụ rime ẹli-ikpa, neeze bùdnu n'okne abajị, neeze bùdnu n'aka rùmu nda aghalaghala.

²⁷ M nɔornu ɛrnu, nɔodoli ndoli, ma n'oka anyarna abalị, ma wiri ogwnugwnu nụ akpiri ɔkpo békwnu, m dazila m agida ige nwée wiri o riri, ma nụ iyi ọtutu, m nwée m iwo o kpusni eto.

²⁸ Be gweme kpakara nhne ka, nhne naakpa m kpakara ɔbochi bụ nhne gbasiri ɔgbako Chiokike.

²⁹ Ndaa nye rikne gwuru ke rikne gwúlam? Ndaa nye dnabnarnu nụ mmehie ke mkpoma lálá m mini, neerne m békwnu?

³⁰ O bụru nhne be luu ɔnu, m jeeji kpakara nhne neegesi nụ m bụ nye nwée rikne noolu ɔnu.

³¹ Chiokike nụ Nda Nyenwe aị Jizosi, nye nwe ɔznarni ɔkwnukokwnu, magwụ nụ m nookwu ezi ọka.

³² Nga me zị nụ Damasikosi, nye n̄echi ẹli, nye zị nụ mkpururu Eze Aretàsi, bítaru ele neese ɔnu-mgbo ẹli-ohna, be nwudne m.

³³ Koyu be yisiri m nụ rime nkita garu n'ɔnunu zị nụ mkpø ẹli-ohna kwuhala m n'ẹli a, ọ bụ kpa me jiri gbawhunahoru a.

12

Ọwhnurninya Pølu

¹ M joolu ọnun, o bụ n'ezi nụ o zá nhne zị nụ rime
a. Kovenant m jookwu ọka gbasiri nhne me whnurnu
nụ nhne Nyenwe aị kpumennu m.

² M maam otu nye Karaịsi nri nụ awha ẹno
wheru ewhe, nye be gwelizoru zne oligwe k'eto. (O
bụru nụ o bụ n'anọ-ehni mọbu o búa n'anọ-ehni, m
máam, Chiokike kpoi ma.

³ Berere, m máam ma o bụ n'anọ-ehni ma o búa
n'anọ-ehni, Chiokike kpoi ma.) Nhne me magwụ
 bụ nụ

⁴ be gwelizoru badnụ ka zne Paradasi. O nurnu
nhne ke be jáagbali n'okwukwo, nhne ọnun badnụ
jéenwe rikne kwu.

⁵ M jeeji nyerukna ka nöolu ọnun, m jéeji ehni m
noolu ọnun, okwolem nhne neegesi nụ m bụ m nye
nwée rikne.

⁶ O bụru nụ me luu ọnun m jóbü nye iwhnirni-
whno, kwnornu nụ m nookwu ezi ọka. Kovenant m
jóolu ọnun, o jáamasị m badnụ ọbula gweru m kakwo
kpa o gweruru m hite nụ nhne o whnurnu me
mernu nụ ke o nurnu me kwuru.

⁷ Lele kpa o búa ọma me vulizo ehni m olu
kwnornu okne nhne me whnurnu, be nyernu m
nhne igbugbu n'ehni m. O bụ nye izi ke Setani, ma
o kpakna m ehni ma m gharụ m o luu ọnun

⁸ M rịorū m Nyenwe aị nhne gbasiri a mgba eto,
ma o gweme a n'ehni m.

⁹ Ka bụ nhne o sarụ m, “Oru m zunnen jị,
iknernema m zuru ozu nga i nwée rikne.” Kam
kpayarụ, mkpoma nöoso m n'ọnun me luu ọnun nụ m
nwée m rikne, ma rikne Karaịsi whuya iwhne nụ
rime m.

¹⁰ Kam kpayarụ, m bụ m nye nwée rikne. Ele

badnụ naakpasị m iwhnerne, be ta m awhnụwħnu, be kpagburu m. Kpakara nhne igbugbu me gawheru kwnornu Karaishi jiri m rħuwho. Nga me nwée rikne, iknernema zị m n'ehni.

*Ele Kɔrinti meturu Polu
nụ mkpoma*

11 Anụ mernu m mee lele nye iwhnirniwhno. Anụ bụ ele kwesiri o kwu nhne ọma gbasiri m, kwnornu nụ ele izi anụ wam, ke anụ kaa nụ be ka m mma, béle m ọsno. Ọ bụ n'ezi nụ ọ zá nhne me bụ.

12 Kwnornu n'ezi, nhne neegesi nhne nye izi whħuyaru iwhne n'esilawuru anụ. Be bụ ērnu elekema, nụ ērnu ndu-ehni nụ ērnu rikne zị ọdo nụ ọdo me jiri ndidi rnụ.

13 Ndaa nhne me mernu ọgbako Chiokike ele berere ke me méne hne anụ zị? Ọ bụ nụ m kwéle m ọ bħru nhne ivu rinya hne anụ zị? Anụ gbarunu m nhne ojo ka.

14 Ka joobu mgba ẹto me jiknernu ọ vakwnusi anụ. M jóoburu ivu rinya hne anụ zị. Anụ zị m mkpa, ọ búo nhne anụ nwernu. Ọ búo rħumu naakpabitānu ele mħrnū be ékwnu, kovu ele nda nụ nne naakpabitānu rħumu be ékwnu.

15 O jaamasị m o nyega anụ nhne me nwernu. Owe! M jeenyə iwhuru m nụ risi anụ ma m yisinu m anụ aka. Ka o jeeme anụ bó whnụ m n'anya, lele kpa me whnurnu anụ n'anya k'agida?

16 Anụ jeekweru, nụ m búo m ivu rinya nyee anụ. Hne me bụ nye aghīgħo, m ji m aghīgħo nwudne anụ.

17 Ndaa? Ele me ziyannu anụ, m jiri be nahorū anụ nhne sa?

18 M riasnornu m Taịtosi o va, ya nü nye Karaịsi berere, anu jaakaa nü Taịtosi nahoru anu nhne? Me nü ya a jile otu enine mee nhne lele nü a bu otu badnu?

19 Anu neeche nü a noopio o goru ehnai aij nü hne anu zi? Óza! A nookwu oka nü ruwhnu Chiokike lele ele Karaịsi, kpakara nhne a neeme bu ma anu buru ele zi kwem lele ele a whnūrnu n'anya.

20 Ogwnu nötou m nü me vadu n'esilawuru anu, m joowhnu nü anu zi ichne, ke buo nhne me lerus anya a. Anu joowhnu masi nü m zi m ichne, ke buo nhne anu lerus anya a. Ogwnu nötou m nü m joowhnu oknorno nü okwno-awuwa, mkpoma békwnu nü okewa, ɔnu-ojo, izno, oknomokno nü mkpakpo.

21 Ogwnu nötou m nü me va berere nü Chiokike m jeegwedna m eli nü ruwhnu anu, m jaakwa ekwna kwnornu agida ele mernu mmehie ke kwéle o tuhnasna, hite nü nhne za rịchna be mernu, ke bu ome ɔyi n'apna tu iwhnerne.

13

Odo aka nü nsni ipne-aznu

1 Ka joobu mgba eto me naava lekasi anu. "Kpakara nhne be bnornu badnu, jeenweriri ele akebne lawuru mɔbu eto," lele kpa ɔkwukwo nsɔ kwuru.

2 Lele kpa me kannu anu nga me varu ke mgba lawuru, ele mehieru n'ige wheru ewhe, nü kpakara ele berere, m nookwu a berere kpa me zi ikere, me va kwno, kpakara be jaata awhnūwhnu mmehie be.

3 Hne anụ noopio nhne ke neegesi nụ Karaịsi ji m nookwu ọka, ọ búo nye nwée rikne n'esilawuru anụ koyu o jeegesi iknernema a hne anụ zi.

4 O bụ n'ezi nụ be gburu a n'énwe rikne, koyu ọ zi budnu hite nụ iknernema Chiokike. A bụ ele nwée rikne nụ rime Karaịsi, koyu hne anụ zi a joosno a ziri bùdnu n'iknernema Chiokike.

5 Anụ nyosnama ehni anụ lekasi ma anụ zi kɔriri bùdnu n'òkwnata mkpoma. O bụ nụ anụ máa Karaịsi Jizosi wu nụ rime anụ? Okwolem ma anụ dnarnụ adna.

6 M kweru m nụ anụ jaamahịa nụ a búo ele dnarnụ adna.

7 A naarijasno Chiokike, anụ mée nhne ojo. O búo ma ele badnụ kaa nụ a bụ ele oma, koyu ma anụ mee nhne ke kwesiri, ọ bùbedi nụ a nụ lele ele dnarnụ adna.

8 A jéenwe rikne mee nhne megidne ezi ọka, koyu dasịnụ ezi ọka n'ikwnu.

9 Mkpoma nqoso aị n'ọnụ nga a nwée rikne, koyu nụ anụ nwernu rikne. A neekpe ma anụ bùru ele zuru ozu.

10 Kam kpayarụ, me naagbanụ anụ ọkwukwo ka kpa me zi ikere, ma ọ bùru me va, m jéeme anụ nhne rikne hite n'iknernema Nyenwe aị nyernu m, rikne o wulizọ anụ olu lele ọro, ọ búo ọ kw-nadna anụ akwnadna.

Obekwu ikwu ipne-aznụ

11 N'ipne-aznụ, rụmu nda m, anụ dazikwaru nkari. Anụ gbalị dụ ozuzu. Anụ bno nsnị nụ nhne me nqorio anụ, anụ bùru ele nwernu otu mkpoma, anụ wuru n'udno. Chiokike ke ọwhnun'anya nụ udno dazigidnenu anụ.

¹² Anụ bekwurita ibne anụ lele rụmu nda.

¹³ Kpakara ele nsọ Chiokike neebekwu anụ.

¹⁴ Oru ke Nyenwe aị Jizosí Karaísi, ọwhnun'anya
ke Chiokike, nụ owugidne ke Enine Nsọ dazinu
kpakara anụ.

Tesitamenti Ikne n'Onu Ikwere New Testament in Ikwere

copyright © 2010 Wycliffe

Language: Ikwere

Translation by: Wycliffe

Ikwerre – (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwerre people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

Copyright Information

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

The New Testament

in Ikwere

© 2010, The Nigeria Bible Translation Trust.
All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

c17ee3a1-1c7a-5c05-8e0f-5043e8228d89